



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 3. Bonifacii Ferrerii obitus.

[urn:nbn:de:hbz:466:1-66615](https://nbn-resolving.de/urn:nbn:de:hbz:466:1-66615)

Sac. XVI.
A.C. 1543

contenderet, id vero Cranmerus facere recusabat, veritus, ne sibi majorem adhuc hostium numerum accenseret: Unde haec conspiratio adeo non huic Præfuli nocuit, ut potius eidem major inde benevolentia apud Regem accresceret.

§. III.

Bonifacii Ferrerii obitus.

Ciacon. in
vit. Pontif.
t. 3. p. 351.
Bembo in ep.
l. 9. ep. 37 &
l. 15. ep. 14.
Aubery vie
des Card.
Ughel. in
Italia sacra

Hoc anno summus Pontifex nullum ex Prælatis ad Cardinalium dignitatem evexit, quamvis sacrum Collegium quinque Purpuratos amisisset, quem primus erat Bonifacius Ferrerius Vercellensis, alterius Cardinalis Joannis Stephani, qui idem nomen gerebat, frater ac Sebastiani Ferrerii filius. Referunt, quod Ferrerii familia ex Florentina Acciajolorum stirpe descendisset, nec non Sebastianus fervente bello Guelphos inter & Gibellinos relicta Florentia in Longobardiam transmigrasset, summusque Pontifex Leo X., ut obsequia sibi a Sebastiano præstata grato animo compensaret, ejus filium Bonifacium die prima Julii anno salutis millesimo quingentesimo decimo septimo purpura decorasset. Porro Bonifacius vocabatur Eporediensis Cardinalis, eo quod hujus urbis Episcopus esset, progressu tamen temporis Niciæ, ac Vercellis in patria sua Antistes renuntiatus, sacrissimis in-

interfuit Comitiis, in quibus Adrianus Sæcul. XVI.
VI., Clemens VII. & Paulus III. in A.C. 1543.
summos Pontifices eligebantur. Non-
nullorum opinio fert, quod Paulus III.
hunc Cardinalem ad hoc munus selege-
rit, ut Concilio primum Vicentiae indi-
cto, ac postea Tridenti celebrato præef-
set: ast ut ut res se habuerit, id omnino
certum habetur, quod ab eodem Ponti-
fice anno Christi millesimo quingentesi-
mo quadragesimo Legatus Bononiam
fuerit decretus, ibidemque Collegium
instituerit ad sustentandos nobiles Pede-
montanos, quorum electio atque appro-
batio ad Ferrerianæ familiæ successores
spectabat. Præterea idem Cardinalis
Episcopales Vercellensis Ecclesiæ ædes
plurimum auxit, ac tria castra ad suam
Ecclesiam Eporediensem spectantia a
fundamentis restauravit: tandem vero
hoc anno Domini millesimo quingente-
simi quadragesimo tertio die secunda
Januarii Romæ obiit, ejusque cada-
ver in Ecclesia sanctissimæ Trinitatis
expositum, postea ad sancti Sebastiani
ædes ab ipsius Patre in Bugellano Ver-
cellensis Dioecesis oppido exstructas
fuit translatum, ibique terræ man-
datum.